

в мире похоть плотская, похоть очима и гордыни». <sup>п</sup> И паки глаголет: «аще кто грядет к вам и сего учения не приносит, || не приемлите его в дом и радоватися ему не глаголите; глаголай бо ему радоватися причащается делех его злых». <sup>р</sup> Ияков же брат божий по плоти тако глаголет: «любви мирская — вражда божия есть, иже убо восхощет друг быти мира, враг божий бывает». <sup>с</sup> И паки рече: «се мзда делателие дел ваших, нивы ваша лишенная о вас вопиют и вопиения их во уши господа Саваофа внидоша, возвеселистеса на земли и насладистеса, упитасте сердца ваша, яко в день заколения. Осудисте и убисте праведнаго непротивящагося вам». <sup>т</sup> Июда же христов апостол, брат Ияковль о таковых рече: «си суть в любвах ваших сквернами гостящеса». <sup>у</sup> Избранный же Павел римляном пиша глаголет: «аще брашна ради брат твой скорбит, уже <sup>ф</sup>к тому <sup>ф</sup> не полюбови ходиши, не брашном своим оного погублай, о нем же Христос умре». <sup>х</sup> Тако убо о сей любви писаша святини апостоли <sup>и</sup>Иван же златоглаголивый тако написа: не того ради живем, яко да ямы, но того ради ямы, яко да живи будем. Также и Кирил Философ написа: не того ради сотворени быхом да ядим и пьем и в различие риз одеемся, но да угодим богови и получим благая. <sup>з</sup> Любы же истинная еже любити творца своего и молитися ему безпрестани и творити заповеди его. Аще бо кто совершает || <sup>л. 186 об.</sup> любви, сий в чюжем прибытка не желает ни в чем же, не разбивает, не крадет, не бьет, не насильствует, не резонмствует <sup>ч</sup>не мздоимствует всякого мшелоинства и лихоимства <sup>ц</sup>не временствует, не гордится, не тщеславится, не завидит, не блудит, не сводит, не лжет, не клеветет, не осужает, не подсмекает, <sup>ш</sup>не хулит божия твари, и ни человека, ни вещи не спорует, не тщеславует ни в чем, праведен ся не зовет, ни умен, злыя мысли вся отменет, ни в чем не похваляется, <sup>щ</sup>не бранится, не ротится <sup>щ</sup>ни словом, ни делом <sup>щ</sup>не гневается, обиден или срамочен не мстится, матерски не лаает, скверны не глаголет, не шутит, в церкви не глаголет, к волхвом и чяродеем не ходит любве ради господня, не обядается, и не опивается поста ради, не много глаголет пустошных глагол ради, не много спит молитв ради, высоты не ищет смирения ради, на красоту риз не тщится, яко же заповеда господь апостолом, и богатство много не собирает, аще ли же у кого <sup>з</sup> от трудов его что возмещи — се убо расторже любовь, яко оскорбил еси человека создание божие. Или аще кого бил еси, или бранил, или поносил хотя нечто отъти у него, или гордыни ради — се тако же расторже любовь, || <sup>л. 187</sup> яко прогневал еси. Или аще в суде мзду взял еси, се убо расторже любовь, яко от чюжаго притяжания богатееши человеку же скорбь сотворил еси <sup>и</sup>аще и оправил еси по правде, но бог правду даром сотвори, ты же продав ея, светило же правде Христос. <sup>и</sup> Аще ли же купец еси и малом что искупив, временем же на сем много чрез естество взимаеши и се убо расторже любовь, яко и не можеша насилувати, сему же радуешися яко от случениа нужди человеческиа на малом многа збираеши. Или же паки аще сребро твое даси в лихву и се убо расторже любовь, яко бо всякое животное божиим повелением растет, садовное же по божию повелению от солнечнаго огревания растет, твоему же серебру не положи бог растения, ты же противишися богу, яко нерасленному повелеваеши расти. Или аще когда временствовав или ким возгордев — и се убо расторже любовь, яко велик сотворися.

<sup>п</sup> I Иоанна, II, 15—16. <sup>р</sup> II Иоанна, I, 10—11. <sup>с</sup> Иаков, IV, 4. <sup>т</sup> Иаков, V, 4—6. <sup>у</sup> Иуд., I, 12. <sup>ф</sup>—<sup>ф</sup> В ркп. над строкой. <sup>х</sup> Рим., XIV, 15. <sup>и</sup>—<sup>и</sup> Приписано на полях справа рукой того же писца. <sup>ч</sup>—<sup>ч</sup> Приписано на полях слева рукой того же писца. <sup>ц</sup>—<sup>ц</sup> Приписано на полях сверху рукой того же писца. <sup>щ</sup>—<sup>щ</sup> Приписано на полях слева рукой того же писца. <sup>з</sup> В ркп. ко. <sup>и</sup>—<sup>и</sup> Приписано на полях сверху рукой того же писца.